


廣々文選


十二




					漢書門
			一一〇八六		
		二四	四		
		二五	冊		
			架		
			函		
			號		
			類		

			一一〇八六	
			二五	
		三六一	冊	
		一八	架	

內閣文庫	
番號	漢 11086
冊數	25 ( 13 )
函號	361 41





廣廣文選卷之十二


淺草文庫



四明 周應洽 纂

嶺南門人彭允鳴校

上書



上懷帝書

劉坦

夫堂高級遠主尊相貴是以古之哲王莫不師其  
元臣崇養老之教訓示四海使少長有禮七十致  
仕亦所以優異舊德厲廉高之風太尉寔體清素  
之操執不渝之潔懸車告老二十餘年浩然之志

唐虞文選 卷之十二  
老而彌篤可謂國之碩老邦之宗模臣聞老者不以筋力為禮寔年踰九十命在日制遂自扶輿冒險而至展哀山陵致敬闕庭大臣之節備矣聖詔啟勤必使寔正位上台光飭鼎實斷章敦喻經涉二年而寔頻上露板辭旨懇誠臣以為古之養老以不事為優不以吏之為重謂宜聽寔所守

諫武帝出齊王書

王 渾

伏承聖詔憲章古典進齊王攸為上公崇其禮儀遣攸之國昔周氏建國大封諸姬以藩帝室永世

作憲至於公旦武王之弟左右王事輔濟大業不使歸藩明至親義著不可遠朝故也是故周公得以盛德光弼幼主忠誠著於金縢光述文武仁聖之德攸於大晉姬旦之親也宜贊皇朝與聞政事實為陛下腹心不二之臣且攸為人脩潔義信加以懿親志存忠貞今陛下出攸之國假以都督虛號而無典戎幹方之實去離天朝不預王政傷母弟至親之體虧友于欵篤之義懼非陛下追述先帝文明太后待攸之宿意也若以攸望重於事宜

出者今以汝南王亮代攸亮宣皇帝子文皇帝弟  
攸駿各處方任有內外之資論以後慮亦不為輕  
攸今之國適足長異同之論以損仁慈之美耳而  
今天下窺陛下有不崇親親之情臣竊為陛下不  
取也若以妃后外親任以朝政則有王氏傾漢之  
權呂產專朝之禍若以同姓至親則有吳楚七國  
逆亂之殃歷觀古今苟事輕重所在無不為害也  
不可事事曲設疑防慮方來之患者也唯當任正  
道而求忠良若以智計猜物雖親見疑至於疏遠

者亦何能自保乎人懷危懼非為安之理此最有  
國有家者之深忌也愚以為太子太保缺宜留攸  
居之與太尉汝南王亮衛將軍楊珧共為保傅幹  
理朝事三人齊位足相持正進有輔納廣義之益  
退無偏重相傾之勢令陛下有篤親親之恩使攸  
蒙仁覆之惠臣同國休戚義在盡言心之所見不  
能默已私慕魯汝存國之志敢陳愚見觸犯天威  
欲陛下事每盡善冀萬分之助臣而不言誰當言  
者

上晉武帝書

段灼

臣聞善有章也著在經典惡有罰也戒在刑書上自遠古下洎秦漢其明王霸主及亡國闇君故可得而稱至於忠蹇賢相及佞諂姦臣亦可得而言故朝有諤諤盡規之臣無不昌也任用阿諛唯唯之士無不亡也是有國者皆欲求忠以自輔舉賢以自佐而亡國破家者相繼皆由任失其入所謂賢者不賢忠者不忠也臣謹言前任賢所由興任不肖所以亡者堯之末年四凶在朝而不去八元

在家而不舉然致天平地寧四門穆穆其功固在重華之為相夏癸放於鳴條商辛梟於牧野此俱萬乘之主而國滅身擒由不能屬任賢相用婦人之言荒淫無道肆志沉宴作靡靡之樂長夜之飲於是登糟丘臨酒池觀牛飲望肉林龍逢忠而被害比干諫而剖心天下之所以歸惡者也太甲暴虐顛覆湯之典制於是伊尹放之桐宮而能改悔反善三年然後歸于亳既已放而復還殷道微而復興諸侯咸服號稱太宗實賴阿衡之盡忠也周

室既衰諸侯並爭天王微弱政遂陵遲齊桓公淫亂之主耳然所以能九合一匡之功有尊周之名誠管夷吾之力及其死也蟲流出門豈非任豎貂之過乎且一桓公之身得管仲其功如彼用豎貂其亂如此夫榮辱存亡實在所任可不審哉秦本伯翳之後微微小邑至秦仲始大有車馬禮樂侍御之好焉自穆公至於始皇皆能留心待賢遠求異士招由余於西戎致五羖於宛市取丕豹於晉卿迎蹇叔於宗里由是四方雄俊繼踵而至故能

世為疆國吞滅諸侯奄有天下兼稱皇帝由謀臣之助也道化未溥崩於沙丘胡亥乘虐用詐自悞不能弘濟統緒克成堂構而乃殘賊仁義毒流黔首故陳勝吳廣奮臂大呼而天下響應於是趙高逆亂閻樂承指二壺窮迫自殺望夷子嬰雖立去帝為王狐危無輔四旬而亡此由邪臣擅命指鹿為馬所以速秦之禍也秦失其鹿豪傑競逐項羽既得而失之其咎在烹韓生而范增之謀不用假令羽既距項伯之邪說斬沛公於鴻門都咸陽以

號令諸侯則天下無敵矣而羽距韓生之忠諫背  
范增之深計自謂霸王之業已定都彭城還故鄉  
為書被文繡此蓋世俗見女之情耳而羽榮之是  
故五載為漢所擒至死尚不知覺悟乃曰天亡我  
非戰之罪甚痛矣哉且夫士之歸仁猶水之歸下  
禽之走曠野故曰為川驅魚者獺也為藪驅雀者  
鷓也為湯武驅人者桀紂也漢高祖起於布衣提  
三尺之刃而取天下用六國之資無唐虞之禪豈  
徒賴良平之奇謀盡英雄之智力而已乎亦由項

氏為驅人也子孫承基二百餘年逮成帝委政舅  
家使權勢外移安昌侯張禹者漢之三公成帝保  
傅也帝親幸其家拜禹牀下深問天災人事禹當  
為大臣之節為社稷深慮忠言嘉謀陳其災患則  
王氏不得專權寵王莽無緣乘勢位遂託雲龍而  
登天衢令漢祚中絕也禹佞諂不忠挾懷私計徒  
低仰於五侯之間苟取容媚而已是以朱雲抗節  
求尚方斬馬劍欲以斬禹以戒其餘可謂忠矣而  
成帝尚復不寤乃以為居下訟上廷辱保傅罪死

無赦詔御史將雲下欲急烹之雲攀殿折檻幸賴  
左將軍辛慶忌叩頭流血以死爭之若不然則雲  
已摧碎矣後雖釋檻不脩欲以彰明直臣誠足以  
為後立之戒何益於漢所由亡也哉然是之論者  
以為亂臣賊子無道之甚者莫過於莽此亦猶紂  
之不善不如是之甚也傳稱莽始起外戚折節力  
行以要名譽宗族稱孝朋友歸仁及其輔政成哀  
之際勤勞國家動見稱述然于時人士詣闕上書  
薦莽者不可稱紀內外群臣莫不歸莽功德遭遇

漢室中微國嗣三絕而太后壽考為之宗主故莽  
得遂策命孺子而奪其位也昔湯武之興亦遂取  
而順守之耳向莽深惟啟周取守之術崇道德務  
仁義履信實去華偽施惠天下十有八年恩足以  
感百姓義足以結英雄人懷其德豪傑並用如此  
宗廟社稷宜未滅也光武雖復賢才大業詎可異  
哉莽即位之後自謂得天人之助以為功廣三王  
德茂唐虞乃自驕矜奮其威詐班宣符讖震暴殘  
酷窮凶極惡人怨神怒冬雷電以驚其耳目夏地



動以惕其心腹而莽猶不知覺悟方復重行不順時之令竟連伍之刑佞媚者親幸忠諫者誅夷由是天下忿憤內外俱發四海分崩城池不守身死於匹夫之手為天下笑豈不異哉其所由然者非取之過而守之非道也莽既屠肌六合雲擾劉聖公已立而不辯盆子承之而覆敗公孫述又稱帝於蜀漢如此數子固非所謂應天順人者徒為光武之驅除者耳夫天下者蓋亦天下之天下非一人之天下也啟帝之旅其會如林矢于牧野維予

侯興又曰侯服于周天命靡常由此言之主非常人也有德則天下歸之無德則天下叛之故古之明王其勞心遠慮常如臨川無津涯於是法天地象四時隆恩德敬大臣近忠直遠佞人仁孝著乎宮牆弘化治乎兆庶為平直如砥矢信義感人神雖有椒房外戚之寵不受其委曲之言雖有近習愛幸之監不聽其姑息之辭四門穆穆闢而不闔待諫者而無忌恒戰戰慄慄不忘戒懼所以欲求終天祿恐為將來賢聖之驅除也且臣聞之懼危

者常安者也憂亡者恒存者也使夫有國之君能  
安不忘危則本枝百世長保榮祚名位與天地無  
窮亦何慮乎為來者之驅除哉傳有之曰狂夫之  
言明生察焉

諫武帝書

江統

古之聖王莫不以儉為德故堯稱采椽茅茨禹稱  
卑宮惡服漢文身衣弋綈足履革舄以身先物政  
致太平存為明主沒見宗祀及諸侯脩之者魯僖  
以躬儉節用聲列雅頌蚡冒以篳路藍縷用張楚

國大夫脩之者文子相魯妾不衣帛晏嬰相齊鹿  
裘不補亦能匡君濟俗興國隆家庶人脩之者顏  
回以簞食瓢飲揚其仁聲原憲以蓬戶繩樞邁其  
清德此皆聖主明君賢臣智士之所履行也故能  
懸名日月永世不朽蓋儉之福也及到末世以奢  
失之者帝王則有瑤臺瓊室玉杯象箸肴膳之珍  
則熊蹯豹胎酒池肉林諸侯為之者至於丹楹刻  
桶餼徵百牢大夫有瓊弁玉纓庶人有擊鍾鼎食  
亦罔不亡國喪宗破家失身醜名彰聞以為後戒

竊聞後園鏤飾金銀刻磨犀象畫室之巧課試日精臣等以為今四海之廣萬物之富以今方古不足為侈也然上之好下必從之是故居上者必慎其所好也昔漢光武皇帝時有獻千里馬及寶劍者馬以駕鼓車劍以賜騎士世祖武皇帝有上雉頭裘者即詔有司焚之都街高世之主不尚尤物故能正天下之俗刑四方之風臣等以為書室之功可且減省後園雜作一皆罷遣肅然清靜優游道德則日新之美光于四海矣

上宋高祖書

徐廣

風電變未必為灾古之聖賢輒懼而脩己所以興政化而降德教也嘗忝服事宿眷未忘思竭塵露率誠于習明公初建義旗匡復宗社神武應運信宿平夷且恭謙儉約虚心匪懈來蘇之化功用若神頃事故既多刑德並用較功啟積報叙難盡萬機繁湊固應難速且小細煩密群下多惧又穀帛豐賤而民情不勸禁司互設而劫盜多有誠由俗弊未易整而望深未易炳追思義熙之始如有不

同何者好安願逸萬物之大趣習舊駭新凡識所不免要當俯順群情抑揚隨俗則朝野歡泰具瞻允康矣言無可採願矜其愚款之志

獄中上書

孔熙先

因小人猖狂識無遠概徒徇意氣之小感不料逆順之大方與第二弟首為奸謀干犯國憲整膾脯醢無補尤戾陛下大明含弘量苞天海錄其一介之節猥垂優逮之詔恩非望始沒有遺榮終古以來未有斯比夫盜馬絕纓之臣懷壁投書之士其

行至賤其過至微由識不世之恩以盡軀身之報卒能立功齊魏致勲秦楚囚雖身陷禍迹名節俱喪然少也忼慨竊慕節士之遺風但墜崖之木事絕升躋覆盎之水理乖收汲方當身膏鉄鉞治誠方來若使魂而有靈結草無遠然區區卅抱不負夙心貪及視息少得申暢自惟性愛群書心解數術智之所周力之所至莫不窮攬究其幽微考論既往誠多審驗謹略陳所知條牒如故別狀願且勿遺棄存之中書若囚死之後或可追存庶九泉

廣慶文選 卷之五  
之下少塞覺責

獄中上後主書

陳傅縡

夫人君者恭事上帝子愛下民省嗜慾遠諂佞未  
明求衣日旰忘食是以澤被區宇慶流子孫陛下  
頃來酒色過度不虔郊廟之神專媚淫昏之鬼小  
人在側宦豎弄權見忠直若仇讐視黎民如草芥  
宮女曳綺繡廐馬食菽粟百姓離散轉尸蔽野貨  
賄公行帑藏損耗神怒民怨衆叛親離恐東南王  
氣自斯而盡矣

上陳高祖書

沈不害

臣聞立人建國莫尚於尊儒成俗化民必崇於教  
學故東膠西序事隆乎三代環林壁水業成於兩  
京自淳源既遠澆風以扇物之感人無窮人之逐  
物無節是知設施訓範啟導心靈譬彼染藍類諸  
琢玉然後人倫以正卑高有序忠孝之理既明君  
臣之道攸固執禮自基魯公所以難侮歌樂已細  
鄭伯於前知亡干戚舞而有苗至泮宮成而淮夷  
服長想洙泗之風載懷淹稷之盛有國有家莫不

尚已梁太清季年數鍾否剝戎狄外侵姦回內興  
朝振鼓鼙夕炤烽火鴻儒碩學解散甚於坑夷五  
典九丘煙滅逾於灰燼蓋成均自斯墜業瞽宗於  
是不脩褒成之祠不陳裸享釋采之禮無稱俎豆  
頌聲寂寞遂逾一紀後生敦悅不見函仗之儀晚  
學鑽仰徒深倚席之歎陛下繼曆馭統握錄臨寓  
道洽寰中威加無外濁流已清重氛載廓含生熙  
阜品庶咸亨宜其弘振禮樂建立庠序式稽古典  
行迹儒宮選公卿門子皆入於學助教博士朝夕

講肄使擔簦負笈鏘鏘接衽方領矩步濟濟成林  
如切如磋聞詩聞禮一年可以倍功三冬於是足  
用故能擢秀雄州揚廷觀國入仕登朝資優學以  
自輔蒞官從政有經業以治身輜駕列廷青紫拾  
地古者王世子之貴猶與國子齒降及漢儲茲禮  
不墜暨乎兩晉斯事彌隆蓋所以見師嚴而道尊  
者也皇太子天縱生知無待審喻猶宜晦迹俯同  
傳經請業黃爵前師肅若舊典昔闕里之堂爇萊  
自闕舊宅之內絲竹流音前聖遺烈深以相戒况

廣慶文選 上書卷之十三 十一  
復江表無虞海外有截豈得不開闢大猷恢弘至  
道寧可使玄教儒風弗興聖世盛德大業遂蘊堯  
年臣末學小生詞無足算輕獻瞽言伏追悚汗

上後主書

章華

昔高祖南平百越北誅逆虜世祖東定吳會西破  
王琳高宗克復淮南闢地千里三祖之功亦至勤  
矣陛下即位于今五年不思先帝之艱難不知天  
命之可畏溺於嬖寵惑於酒色祀七廟而不出拜  
妃嬪而臨軒老臣宿將棄之草莽諂佞讒邪昇之

朝廷今疆場日蹙隋軍壓境陛下如不改絃易張  
臣見麋鹿復遊姑蘓臺矣

上隋高祖書

李諤

臣聞古先哲王之化民也必變其視聽防其嗜欲  
塞其邪放之心導以淳和之路五教六行為訓民  
之本詩書禮易為道義之門故能家復孝慈人知  
禮讓正俗調風莫大於此其有上書獻賦制誅鐫  
銘皆以褒德序賢明勳證理苟非懲勸義不徒然  
降及後代風教漸薄魏之三祖更向文詞忽君人

之大道好雕蟲之小藝下民從上有同影響爭騁  
文華遂成風俗江左齊梁其弊彌甚貴賤賢愚唯  
務吟詠遂復遺理存異尋虛逐微競一韻之奇爭  
一字之巧連篇累牘不出月露之形積案盈箱唯  
是風雲之狀世俗以此相高朝廷據茲取士祿利  
之路既開愛向之情愈篤於是閭里童昏貴遊總  
丕未窺六甲先製五言至於羲皇舜禹之典伊傳  
周孔之說不復關心何曾入耳以傲誕為清虛以  
緣情為勳業指儒素為古拙用詞賦為君子故文

筆日繁其政日亂良由棄大聖之軌模構無用以  
為用也捐本逐末流遍天壤遞相師祖久而逾扇  
及皇隋受命聖道聿興屏黜輕浮遏止華偽自非  
懷經抱質志道依仁不得引預縉紳叅厠纓冕開  
皇四年普詔天下公私文翰並宜實錄其年九月  
泗州刺史司馬幼之文表華醜付所司治罪自是  
公卿大臣咸知正路莫不鑽仰墳素棄絕華綺擇  
先王之令典行大道於茲世如聞外州遠縣仍踵  
弊風選吏舉人未遵典則宗族稱孝鄉里歸仁學



廣文選 卷之五  
必典謨交不苟合則擯落私門不加收齒其學不  
稽古逐俗隨時作輕薄之篇章結朋黨而求譽則  
選充吏職舉送天朝蓋由縣令刺史未行風教猶  
挾私情不存公道臣既忝憲司職當糾察若聞風  
即劾恐挂網者多請勒諸司普加搜訪有如此者  
具狀送臺

獄中上隋高祖書

于仲文

臣聞春生夏長天地平分之功子孝臣誠人倫不  
易之道曩者尉迴逆亂所在影從臣任重關河地

居衝要嘗膽枕戈誓以必死迴時購臣位大將軍  
邑萬戶臣不顧妻子不愛身命冒白刃潰重圍三  
男一女相繼淪沒披露肝膽馳赴闕廷蒙陛下授  
臣以高官委臣以兵革于時河南亮寇狼顧鴟張  
臣以羸兵八千掃除氛祲摧劉寬於梁郡破○讓  
於蓼堤平曹州復東郡安城武定永昌解亳州圍  
殄徐州賊席毗十萬之衆一戰土崩河南蟻聚之徒  
應時戡定當群亮問鼎之際黎元乏主之辰臣第  
二叔翼先在幽州揔馭燕趙南鄰群寇北捍旄頭

內外安撫得免罪戾第五叔智建旆黑水與王謙  
為鄰式遏蠻陬鎮綏蜀道臣兄覲作牧淮南坐制  
勅敵乘機剽定傳首京師王諒謙竊據二江叛渙  
三蜀臣第三叔義受賑朝廷恭行天討自外父叔  
兄弟皆當重寄或銜命危難之間或侍衛鈞陳之  
側合門誠款冀有可明伏願垂泣辜之恩降雲雨  
之施追草昧之始錄涓滴之功則寒灰更燃枯骨  
還肉不勝區區之至謹冒死以聞

上周武帝書

黎景熙

臣聞寬大所以垂覆慈愛所以懷衆故天地稱其  
高厚者萬物得其容養焉四時著其寒暑者庶類  
資其忠信焉是以帝王者寬大象天地忠信則四  
時招搖東指天下識其春人君布德率土懷其惠  
伏願陛下資乾御寓品物咸亨時乘六龍自強不  
息好問受規天下幸甚自古至治之君亦皆廣延  
博訪詢採芻微置鼓樹木以求其過頃年亢旱踰  
時人懷望歲陛下爰發明詔廣求人瘼同禹湯之  
罪已高宗景之守正澍雨應時年穀斯稔尅已節

用慕質惡華此則尚矣然而朱紫仍耀於衢路綺  
穀競侈於豪家裋褐未克於細民糟糠未厭於編  
戶此則勸導之理有所未周故也今雖導之以政  
齊之以刑風俗固難以一矣昔文帝集上書之囊  
以作帷帳惜十家之產不造露臺後宮所幸衣不  
曳地方之今日富室之飾嘗不如婢隸之服然而  
以身率下國富刑清廟稱太宗良有以也

請建明堂辟雍書

源子恭

臣聞辟臺望氣軌物之德既高方堂布政範世之  
道斯遠是以書契之重理冠於造化推尊之美事  
絕於生民至如郊天饗帝蓋以對越上靈宗祀配  
天是用酬膺下土大孝莫之能加嚴父以茲為大  
乃皇上之休業有國之盛典竊惟皇魏居震統極  
總宙馭宇革制土中垂式無外自北徂南同卜維  
於洛食定鼎遷民均氣候於寒暑高祖所以始基  
世宗於是恢構按功成作樂治定制禮乃訪遺文  
修廢典建明堂立學校興一代之茂矩標千載之  
英規水之中始創雉構基趾草昧迄無成功故尚

書令任城王臣澄按故司空臣冲所造明堂樣并連表詔答兩京模式奏求營起緣期發旨即加葺繕侍中領軍臣義物動作官宣贊授令自茲厥後方配兵人或給一千或與數百進退節縮曾無定準欲望速了理在難克若使專役此功長得營造委成責辨容有就期但所給之夫本自寡少諸處競借動即千計雖有繕作之名終無就功之實爽塏荒茫淹積年載結架崇構拍就無兆仍令肆冑之禮掩抑而不進養老之儀寂寥而不返構屢止

於盡土為山頓於一簣良可惜歟愚謂召民經始必有子來之歌興造勿亟將致不日之美况本兵不多兼之勞率役廢此與彼循環無極便是輟創禮之重資不急之費廢經國之功供寺館之役求之遠圖不亦闕矣今諸寺大作稍以粗舉並可徹減專事經綜嚴勒工匠務令克成使祖宗有薦配之期蒼生覩禮樂之富

上孝明帝書

李豹子

竊惟庸勳賞勞有國恒典興滅繼絕哲后所先是

廣慶文選 卷之三  
以積德累忠春秋許宥十世立功著節河山誓其  
永久伏惟世祖太武皇帝英叡自籠罩日域東清  
遼海西定玉門凌滅漠北飲馬江水臣亡父故尚  
書宣滅公先臣孝伯寘基感會邀幸昌辰綢繆帷  
幄繾綣侍從廟筭嘉謀每蒙顧採于時儲后監國  
奏請徵賢詔報曰朕有孝伯足以治天下何用多  
為其見委遇乃至於此是用寵以元凱爵以公侯  
詔冊曰江陽之巡竒謀屢進六師大捷亦有勲焉  
出內勤王寵遇隆厚方開大賞而世祖登遐梓宮

始遷外任名岳高宗冲年纂運未及追叙臣行舛  
百靈先臣棄世微績未甄誠志長奪搢紳僉傷早  
世朝野咸哀不求臣亡兄襲無子封除永惟宗構  
五情崩圯先臣榮寵前朝勲書王府同之常倫爵  
封堙墜準古量今實深荼苦竊惟朝例廣川王遵  
太原公元大曹等並以勲重先朝世絕繼祀或以  
傍親或聽弟襲皆傳河山之功垂不世之賞况先  
臣在蒙委任運籌幃帟勲著於中聲傳於外事等  
功均今古無易是以漢賞信布裁重良平魏酬張

徐不棄荀郭今數族追賞於先朝之世先臣絕封於聖明之時瞻流顧侶存亡永恨竊見正始中爰發存亡之詔褒賢報功之旨熙平元年故任城王澄所請十事復新前澤成一時之盛事垂曠代之茂典凡在纓紱誰不感慶蓋以獎勸來今垂範萬古且劉氏偽書翻流上國尋其訛謗百無一實前後使人不書姓字亦無名爵至於張暢傳中略叙先臣對問雖改脫略盡自欲矜高然逸韻難虧猶見稱載非直存益於時沒亦有彰國美乞覽此書昭然可見則微微衰構重起一朝先臣潛魂結草於千載矣

上出帝書

宋游道

臣聞賞善罰惡謂之二機有道存焉所貴不濫是以子胥無罪吳人痛之郗宛不幸國言未息故河南尹李獎門居戚里世擅名家有此良才是兼周用自少及長忠孝為心入朝出牧清明流譽襟懷放暢風神爽發實廟廊之瑚璉社稷之楨幹往歲北海竊據負扈當朝王公卿士俛眉從事而將闔

廣文選  
上書卷之三  
門百口同居京洛既被羈繫自拔無由託使東南  
情存避難當時物論謂其得所然北海未敗之日  
徐州刺史元孚為其純臣莫之敢距表啟相望遲  
速唯命及皇輿返正神器斯復輕薄之徒共生僥  
倖詭言要賞曲道求通濫及善人稱為已力若以  
獎授命賊朝語跡成罪便與天下共當此于時朝  
旨唯命免官亦既經恩方知酷濫伊昔具臣比肩  
賊所身臨河上日尋干戈時逢寬政任遇不改一  
介使人獨嬰斯戮凡在有心孰不嗟悼前朝所以

論功者見其邊人且相慰悅其猶郭默生亂劉胤  
懸首事乃權宜蓋非實錄昔鄧艾下世段灼理其  
冤馬援物故朱勃申其屈臣雖小人趣事君子有  
懷舊恩義兼人故見其若此久欲陳辭含言未吐  
遂至今日幽泉已閉龍樹成行內手捫心顧懷愧  
慨幸逢興聖理運唯新雖曰纂戎事同創革頻有  
大恩被於率土亡官失爵者悉蒙追復而獎雜木  
猶存牛車未改士感知已懷此無忘輕率瞽言干  
犯輦轂伏願天鑒賜垂矜覽加其贈秩慰此幽魂

上肅宗書

李 苗

昔晉室數否華戎鼎沸三燕兩秦咆勃中夏九服  
分崩五方圯裂皇祚承歷自北而南誅滅姦雄定  
鼎河洛唯獨荆楊尚阻聲教今令德廣被於江漢  
威風遠振於吳楚國富兵彊家給人足以九居八  
之形有兼弱攻昧之勢而欲逸豫遺疾子孫違高  
祖之本圖非社稷之深慮誠宜商度東西戎防輕  
重之要計量壇場易安危之理探測南人攻守窺  
覷之情籌策卒乘器械征討之備然後去我所短

避彼所長釋其至難攻其甚易奪其險要割其膏  
腴數年之內荆可并若捨舟楫即平原歛後踈前  
則江淮之所短棄車馬游飛浪乘流馳逐非中國  
之所長彼不敢入平陸而爭衡猶我不能越巨川  
而趣利若俱去其短各恃其長則東南未見可滅  
之機而淮沔方有相持之勢且夫滿吳相傾陰陽  
恒理盛衰迭襲五德常運今以至疆攻至弱必見  
吞并之理如以至弱禦至疆焉有全濟之術故明  
王聖主昔欲及時立功為萬世之業去高而就下



百川以之常流取易而避難兵家以之恒勝今巴蜀孤懸去建鄴遼遠偏兵獨戍汧流十千牧守無良專行劫剝官由財進獄以貨成士民思化十室而九延頸北望日覬王師若命一偏將弔民伐罪風塵不接可傳檄而定守白帝之阨據上流之險循士治之迹蕩建鄴之逋然後偃武修文制禮作樂天下幸甚豈不盛歟

啟

上管子啟

劉向

管子者穎上人也名夷吾號仲父少時嘗與鮑叔牙游鮑叔知其賢管子貧困常欺叔牙叔牙終善之鮑叔事齊公子小白管子事公子糾及小白立為桓公子糾死管仲囚鮑叔薦管仲管仲既任政於齊齊桓公以霸九合諸侯一匡天下管仲之謀也故管仲曰吾始困時與鮑叔分財多自予鮑叔不以我為貪知吾貧也嘗為鮑叔謀事而更窮困鮑叔不以我為愚知吾有利有不利也公子糾敗召忽死之吾幽囚受辱鮑叔不以我為無耻知吾

不羞小節而耻功名不顯于天下也生我者父母  
知我者鮑叔鮑叔既進管仲而已下之子孫世祿  
於齊有封邑者十餘世常為名大夫管子既相以  
區區之齊在海濱通貨積財富國疆兵與俗同好  
醜故其書稱曰倉廩實而知禮節衣食足而知榮  
辱上服度則六親固四維不張國乃滅亡下令猶  
流水之原令順人心故論卑而易行俗所欲因予  
之俗所否因去之其為政也善因禍為福轉敗為  
功覺輕重慎權衡桓公怒少姬南襲蔡管仲因伐

楚責包茅不入貢於周室桓公北征山戎管仲因  
而今燕修召公之政柯之會桓公背曹沫之盟管  
仲因而信之諸侯歸之管仲聘於周不敢受上卿  
之命以讓高國是時諸侯為管仲城穀以為之乘  
邑春秋書之褒賢也管仲富擬公室有三歸反坫  
齊人不以為侈管子卒齊國遵其政常疆於諸侯  
孔子曰微管仲吾其被髮左衽矣太史公曰余讀  
管氏牧民山高乘馬輕重九府詳哉言之也又曰  
將順其美匡救其惡故上下能相親愛豈管仲之

謂乎九府書民間無有高山一名形勢凡管子書  
務富國安民道約言要可以曉合經義向謹第錄  
上

密詣世祖啟事

謝莊

賊劬自絕於天裂冠毀冕窮弑極逆開闢未聞四  
海泣血幽明同憤奉三月二十七日檄聖迹昭然  
伏讀感慶天祚王室敷哲重光殿下文明在嶽神  
武居陝肅將乾威壘行天罰滌社稷之仇雪華夷  
之耻使弛墜之構更獲締造垢辱之耻復得明目

伏承所命柳元景司馬文恭宗愨沈慶之等精甲  
十萬已次近道殿下親董銳旅授律繼進荆鄢之  
師岷漢之衆舳艫萬里旌旆虧天九土冥符群后  
畢會今獨夫醜類曾不盈旅自相暴殄省闈橫流  
百僚屏氣道路以目檄至輒布之京邑朝野同欣  
皇頌塗歌室家相慶莫不望景聳雲瞻雲佇足先  
帝以日月之光照臨區寓風澤所漸無幽不洽况  
下官世荷寵靈叨恩踰量謝病私門幸免虎口雖  
志在投報其路無由今大軍近次永清無遠欣悲

踴躍不知所裁

上太祖啟

何昌寓

伏尋故建平王因心自遠忠孝基性微和之譽早  
布國言勝素之情夙洽民聽世祖綢繆太祖眷異  
朝中貴人野外賤士雖聞見有殊誰不悉斯事者  
元微之間政闕群小構扇異端共令傾覆慙慙之  
非古人所悼况蒼梧將季能無銜惑一年之中藉  
者再三有必顛之危無暨立之安行路寒心往來  
跼蹐而王夷慮坦然委之天命惟謙惟敬專誠奉

國闔無執戟之衛門闕衣介之夫此五尺童子所  
見不假闕曲言也一淪疑似身名頓滅寃結淵泉  
酷貫穹昊時經隆替歲改三光曠蕩之惠亟申被  
枉之澤未流俱沐温光獨酸霜露明公鋪天地之  
施散雲雨之潤物無巨細咸被慶渥若今日不蒙  
照滌則為萬代寃魂昌寓非敢慕慷慨之士激揚  
當世實義切於心痛入骨髓瀝腸紆憤仰希神照  
辯明枉直亮王素行使還名帝籍歸靈籙瑩死而  
不泯豈忘德於黃壚兮軀碎首不足上謝

上皇太子玄圃講頌啟

簡文帝

竊以舜韶始唱靈儀自舞陳律纔暄風心競夢輕  
禽短葉尚識音光沐善歡心寧忘撫抃伏惟殿下  
體高玄儲養道春禁牢寵文圃漁獵義河注意龍  
宮研心寶印雲聚生什之才並命應王之匹探機  
祈理怡然不倦朱華景月詎此忘罷屬素藏晚節  
玄英初氣霜竹浮陰風梧散葉從容雅論實會神  
衷網輕生多幸屬此休世踈躡奉渥得備磐藩而  
黏蠅未拔迷象不羈寶沒醉衣珠沈勇額得聞勝

善寧忘歌詠謹上玄圃園講頌一首文慚綺發思  
闕彫英徒懷舞蹈之心終媿清風之藻冒昧呈聞  
追深赧汗謹啟

謝勅參解講啟

昭明太子

臣統啟主書周昂奉宣勅旨垂參臣今解講伏以  
至理希夷微言淵奧非所能鑽仰遂以無庸叨茲  
宣釋將應讓齒反降教胄之恩允宜尚學翻荷說  
經之詔切以挾八威之策則神物莫干服九丹之  
華則僊徒可役臣仰承皇威訓茲學侶奉揚聖旨

廣廣文選 卷之五十一  
洞曉群儒鼓治異師陶鈞久滯方使惠施而忽其短  
長公孫罷其堅白王生挫辯既盡神氣法開受屈  
永隱東峰中使曲臨彌光函席仰戴殊慈不知啟  
處不任下情謹奉啟事謝聞謹啟

謝勅賚地圖啟

昭明太子

漢氏輿地形茲未擬晉世方丈比此非妙疋之長  
樂唯書古賢儔之未央止圖將帥未有洞該八藪  
混觀六合域中天外指掌可求海角河源戶庭不  
出豈間千秋目識烏桓之地脫逢莊武方著博物

之書

謝賜玉珮啟

簡文帝

臣網言主衣臣智瑋奉宣勅旨垂賚臣玉珮一具  
藍田麗采槐水縷文飾以金闕之珠制以魯班之  
巧故以裾端照色影外生光恩發內府猥垂露賜  
臣方溫謝德此振慙聲沐浴深慈欣荷交至不任  
云云

謝賚扇啟

簡文帝

臣網啟傳詔饒僧明奉宣勅旨垂賚細綾大文畫

柳蟬山扇一柄文均柝縷香發海檀肅肅清風即  
令象輦非貴依依散彩便覺夏室含霜飲露青蜩  
應三伏之脩景翔飛黃雀送六月之南風蔽日垂  
陰薰澤慙采浮涼滌暑蘋末愧吹聖人造物之巧  
俯萃庸薄王府好玩之恩於茲下被頂戴曲私伏  
增欣躍謹奉啟事謝聞謹啟

謝武帝啟

表 昂

恩降絕望之辰慶集寒心之日焰灰非喻萋枯未  
擬樞衣聚足顛狽不勝臣遍歷三墳備詳六典巡

校賞罰之科調檢生死之律莫不嚴五辟於明君  
之朝峻三章於聖人之世是以塗山始會致防風  
之誅鄴邑方構有宗侯之伐未有緩憲於斲戮之  
人賒刑於耐罪之族出萬死入一生如臣者也推  
恩及罪在臣實大披心瀝血敢乞言之臣東國賤  
人學行何取既殊鳴鳳直木故無結綬彈冠徒藉  
羽儀易農就仕往年濫職守秩東隅仰屬龔行風  
驅電掩當其時也負鼎圖者日至執玉帛者相望  
獨在愚臣頓昏大義殉鴻毛之輕忘同德之重但

三吳險薄五湖交通屢起田儻之變每懼啟通之禍空慕君魚保境遂失師消抱噐後至者斬臣昔斯戮明刑殉衆誰曰不然幸約法之弘承解網之宥猶當降等薪粲遂乃頓釋鉗赭歛骨吹魂還編黔庶濯庇蕩穢入楚遊陳天波既洗雲油遽沐古人有言非死之難處死之難臣之所荷曠古不書臣之死所未知何地

謝啟 奉命除西中郎  
湘東王咨議啟

劉孝綽

臣不能銜珠避顛傾柯衛足以茲踈倖與物多忤

兼逢匿怨之友遂居司隸之官交構是非用成萋斐日月昭回俯明枉直獄書每御輒鑿蔣濟之寃炙髮見明非關陳正之辯遂漏斯密網免彼嚴棘得使還同士伍比屋唐民生死肉骨豈侔其施臣誠無識孰不戴天踈遠叡隴絕望高闕而降其接引優以旨喻於臣微物足為榮墮况剛條落葉忽吐雲露周行所寘復齒盛流但雕朽污糞徒成延獎捕影繫風終無効荅又啟謝東宮曰臣聞之先聖以衆惡之必監焉衆好之必監焉豈非孤特則



積毀所歸比周則積譽斯信知好惡之間必待明  
鑒故晏嬰再為阿宰而前毀後譽後譽出於阿意前毀  
由於直進是以一犬所噬旨酒貲其其酸一手所  
搖嘉樹變其生死又鄒陽有言士無賢愚入朝見  
嫉至若臧文之下展季斬尚之放靈均絳侯之排  
賈生平津之陷主父自茲厥後其徒寔繁曲筆短  
辭不暇殫述寸管圻窺常由切齒殿下誨道觀書  
俯同好學前載枉直備該神覽臣昔因立侍親承  
緒言飄風貝錦譬彼讒慝聖旨啟勤深以為歎臣

資愚履直不能杜漸防微曾未幾何逢詆罹難雖  
吹毛洗垢在朝而同嗟而嚴文峻法肆姦其必奏  
不顧賣友志欲要君自非上帝運超已之光照陵  
陽之虐舞文虛謗不取信於宸明在縲嬰纏幸得  
蠲於庸暗裁下免黜之書仍頒朝會之旨小人未  
識通方繫馬懸車息絕朝覲方願滅影銷聲遂移  
林谷不悟夫聽罔已造次必彰不以距違見疵復  
使引籍雲陛降寬和之色垂布帛之言形之千載  
所蒙已厚况乃恩等特召榮同起家望古自惟彌

覺多忝但未渝丹石永藏輪軌相彼工言構茲媒  
譏且款冬而生已凋柯葉空延德澤無謝陽春

啟事并答

賀琛

是時高祖任職者皆緣飾姦諂深害時政琛遂啟  
事陳條封奏曰臣荷拔擢之恩曾不能效一職居  
獻納之任又不能薦一言竊聞慈父不愛無益之  
子明君不畜無益之臣臣所以當食廢飧中宵而  
歎息也輒言時事列之於後非謂謀猷寧云啟沃  
獨緘胸臆不語妻子辭無粉飾削橐則焚脫得聽

覽試加省鑒如不允合亮其慙愚其一事曰今北  
邊稽服戈甲解息政是生聚教訓之時而天下戶  
口減落誠當今之急務雖是處彫流而關外彌甚  
郡不堪州之控總縣不堪郡之哀削更相呼擾莫  
得治其政術惟以應赴徵歛為事百姓不能堪命  
各事流移或依於大姓或聚於屯封蓋不獲已而  
竄亡非樂之也國家於關外賦稅蓋微乃至年常  
租課動至逋積而民失安居寧非牧守之過東境  
戶口空虛皆由使命繁數夫犬不夜吠故民得安

居今六邦大縣舟舸銜命者非惟十數復窮幽之  
鄉極遠之邑亦皆必至每有一使屬所搔擾况復  
煩擾積理深為民害驚困邑宰則拱手聽其漁獵  
桀黠長吏又因之而為貪殘縱有廉平郡猶掣肘  
故邑宰懷印類無考績細民棄業流冗者多雖年  
降復業之詔屢下蠲賦之恩而終不得反其居也  
其二事曰聖主恤隱之心納隍之念聞之遐邇至  
於羽飛蠕動猶且度脫况在兆庶而州郡無恤民  
之志故天下顛顛惟注仰於一人誠所謂愛之如

父母仰之如日月敬之如鬼神畏之如雷霆苟須  
應痛逗藥豈可不治之哉今天下宰守所以皆尚  
貪殘罕有廉白者良由風俗侈靡使之然也淫奢  
之弊其事多端粗舉二條言其尤者夫食方丈於  
前所甘一味今之燕喜相競誇豪積果如山岳列  
肴同綺繡露臺之產不周一燕之資而賓主之間  
裁取滿服未及下堂已同臭腐又歌姬儷女本有  
品制二八之錫良待和戎今言妓之夫無有等秩  
雖復庶賤微人皆盛姬姜務在貪污爭飾羅綺故

為吏牧民者競為剝削雖致貲巨億罷歸之日不  
支數年便已消散蓋由宴醕所費既破數家之產  
歌謠之具必俟千金之資所費事等丘山為歡止  
在俄頃乃更追恨向所取之少今所費之多如復  
傳翼增其搏噬一何悖哉其餘淫侈著之凡百習  
以成俗日見滋甚欲使人守廉隅吏尚清白安可  
得邪今誠宜嚴為禁制道之以節儉貶黜雕飾糾  
奏浮華使衆皆知變其耳目改其好惡夫失節之  
嗟亦民所自患正耻不及群故勉疆而為之苟力

所不至還受其弊矣今若釐其風而正其失易於  
反掌夫論至治者必以淳素為先正彫流之弊莫  
有過儉朴者也其三事曰聖躬荷負蒼生以為任  
弘濟四海以為心不憚胼胝之勞不辭癯瘦之苦  
豈止日昃忘饑疲分廢寢至於百司莫不奏事上  
息責下之嫌下無逼上之咎斯實道邁百王事超  
千載但斗筭之人藻稅之子既得伏奏帷扆便欲  
詭競求進不諛國之大體不知當一官處一職貴  
使理其紊亂匡其不及心在明恕事乃平章但移

廣廣文選 卷之三十一 三十一  
吹毛求疵擘肌分理運絜併之智徼分外之求以深刻為能以繩逐為務迹雖似於奉公事更成其威福犯罪者多巧避滋甚曠官廢職長弊增姦寔由於此今誠願責其公平之效黜其諛愚之心則下安上謐無徼倖之患矣四事曰自征伐北境帑藏空虚今天下無事而猶日不暇給者良有以也夫國敝則省其事而息其費事省則養民費息則財聚止五年之中尚於無事必能使國豐民阜若積以歲月斯乃范蠡滅吳之術管仲霸齊之由今

應內省職掌各檢其所部凡京師治署邸肆應所為或十條宜省其五或三條宜除其一及國容戎備在昔應多在今宜少雖於後應多即事未湏皆悉減省應四方屯傳邸治或舊有或無益或妨民有所宜除除之有所宜減減之凡厥興造凡厥費財有非急者有役民者又凡厥討召凡厥徵求雖關國計權其事宜皆湏息費休民不息費則無以聚財不休民則無以聚力故蓄其財者所以大用之也息其民者所以大役之也若言小事不足害

財則終年不息矣以小役不足妨民則終年不止矣擾其民而欲求生聚啟阜不可得矣耗其財而務賦歛繁興則姦詐盜竊彌生是弊不息而其民不可使也則難可以語富疆而國遠大矣自普通以來二十餘年刑後荐起民力彫流今魏氏和親疆場無警若不及於此時大息四民使之生聚減省國費令府庫蓄積一旦異境有虞關河可掃則國弊民疲安能振其遠略事至方圖知不及矣言奏高祖大怒召主書於前口授敕責琛曰蹇蹇有

聞殊稱所期但朕有天下四十餘年公車讜言見聞聽覽所陳之事與卿不異常欲承用無替懷抱每苦倥偬更增懣惑卿珥貂紆組博問洽聞不宜同於鬪茸止取名字宣之行路言我能上事明言得失恨朝廷之不能用或誦離騷蕩蕩其我人遂不御乎千里或誦老子知我者希則我貴矣如是獻替莫不能言正旦獻罇皆其人也卿可分別言事啟乃心沃朕心卿云今北邊稽服政是生聚教訓之時而民失其牧守之過朕無則哲之知觸

向多弊四聰不開四明不達內省責躬無處逃咎  
堯為聖主四凶在朝况乎朕也能無惡人但大澤  
之中有龍有蛇縱不盡善不容皆惡卿可分明顯  
出其刺史橫暴某太守貪殘某官長凶虐尚書蘭  
臺主書舍人某人姦猾某人取與明言其事得以  
黜陟向令舜但聽公車上書四凶終自不知堯亦  
永為闇主卿又云東境戶口空虛良由使命繁多  
但未知此是何使卿云鴛困邑宰則拱手聽其漁  
獵桀黠長吏又因之而為貪殘並何姓名廉平掣

肘復是何人朝廷思賢有如饑渴廉平掣肘實為  
異事宜速條聞當更擢用凡所遣使多由民訟或  
復軍糧諸所飈急蓋不獲已而遣之若不遣使天  
下枉直云何綜理事實云何濟辨惡人日滋善人  
日蔽欲求安卧其可得乎不遣使而得事理此乃  
佳事無足而行無翼而飛能到在所不威而伏豈  
不幸甚卿既言之應有深見宜陳秘術不可懷寶  
迷邦卿又云守宰貪殘皆由滋味過度貪殘糜費  
已如前荅漢文雖愛露臺之產鄧通之錢布於天

廣廣文選 卷之三  
下以此而治朕無愧焉若以下民飲食過差亦復不然天監之初思之已甚其勤力營產則無不富饒惰遊緩事則家業貧窶勤脩產業以營盤案自已營之自己食之何損於天下無賴子弟惰營產業致於貧窶無可施設此何益於天下且又意雖曰同富貴有不同慳而富者終不能設奢而富者於事何損若使朝廷緩其刑此事終不可斷若急其制則曲屋密房之中云何可知若家家搜檢其細已甚欲使吏不呼門其可得乎更相恐脅以求

財帛足長禍萌無益治道若以此指朝廷我無此事昔之牲牢久不宰殺朝中會同菜蔬而已意粗得奢約之節若復減此必有蟋蟀之譏若以為功德事者皆是園中之所產育功德之事亦無多費變一瓜為數十種食一菜為數十味不變瓜菜亦無多種以變故多何損於事亦毫芥不關國家如得財如法而用此不愧乎人我自除公宴不食國家之食多歷年稔乃至宮人亦不食國家之食積累歲月凡所營造不關材官及以國匠皆資雇借



廣廣文選  
卷之十一  
三十一  
以成其事近得財頗有方便民得其利國得其利  
我得其利營諸功德或以卿之心度我之心故不  
能得知所得財用暴於天下不得曲辭辯論卿又  
云女妓越濫此有司之責雖然亦有不同貴者多  
畜妓樂至於勲附若兩掖亦復不聞家有二八多  
畜女妓者此並宜具言其人當令有司振其霜豪  
卿又云追恨所取為少如復傅翼增其搏噬一何  
悖哉勇怯不同貪廉各用勇者可使進取怯者可  
使守城貪者可使捍禦廉者可使牧民向使叔齊

守於西河豈能濟事吳起育民必無成功若使吳  
起而不重用則西河之功廢今之文武亦復如此  
取其搏噬之用不能得不重更任彼亦非為朝廷  
為之傅翼卿以朝廷為悖乃自其之當思致悖所  
以卿云宜導之以節儉又云至治者必以淳素為  
先此言大善夫子言其身正不令而行其身不正  
雖令不從朕絕房室三十餘年無有淫佚朕頗自  
言不與女人同屋而寢亦三十餘年至於居處不  
過一牀之地雕飾之物不入於宮此亦人所共知

受生不飲酒受生不好音聲所以朝中曲宴未嘗  
奏樂此群賢之所觀見朕三更出理事隨事多事  
少或中前得竟或事多至日晏方得就食日常一  
食若晝若夜時疾苦之日或亦再食昔腰腹過於  
十圍今之瘦削裁二尺餘舊帶猶存非為妄說為  
誰為之救物故也書曰股肱惟人良臣為聖向使  
朕有服肱可得中主今乃不免居九品之下不令  
而行徒虛言耳卿今慙言便罔知所答卿又云百  
司莫不奏事詭競求進此又是誰何者復是詭事

今不使外人呈事於義可否無人廢職職可廢乎  
職廢則人亂人亂則國安乎以咽廢殮此之謂也  
若斷呈事誰尸其任專委之人云何可得是故古  
人云專聽生姦獨任成亂猶二世之委趙高元后  
之付王莽呼鹿為馬卒有閭樂望夷之禍王莽亦  
終移漢鼎卿云吹毛求疵復是何人所吹之疵譬  
肌分理復是何人乎事及深刻繩逐並復是誰又  
云治署卽肆何者宜除何者宜省國容戎備何者  
宜省何者未湏四方屯傳何者無益何者妨民何

廣廣文選 卷之十一  
一  
處興造而是役民何處費財而是非急若為討召  
若為徵賦朝廷從來無有此事靜息之方復何者  
宜各出其事具以奏聞卿云若不及於時大息其  
民事至方圖知無及也如卿此言即時便是大役  
其民是何處所卿云國弊民疲誠如卿言終須出  
其事不得空作漫言夫能言之必能行之富國疆  
兵之術急民省役之宜踰令遠近之法並宜具列  
若不具列則是欺罔朝廷空示頰舌凡人有為先  
須內省惟無瑕者可以戮人卿不得歷詆內外而

不極言其事佇聞重奏當後省覽付之尚書班下  
海內庶亂羊永除害馬長息惟新之美復見今日

謝宮賜白牙鏤管筆啟

元 帝

春坊漆管曲降深恩北宮象牙猥蒙露逮雕鏤精  
巧似遼東之僊物圖寫寄麗笑蜀郡之儒生故知  
嵇賦非工王銘未善昔伯偕致贈讒屬友人葛龔  
所酬止聞通識豈若遠降鴻慈曲覃庸陋方覺瑠  
璃無謫隨珠過侈但有羨卜商無因則削徒懷曹  
植恒願執鞭

建平王讓鎮南徐州刺史啟

江淹

臣言臣誓惟殃釁頻瀉四折慊慊狂愚冀蒙哀弔而聖旨懸嚴便賜斷表神垂意失音影何地吞悲茹彌情膽載絕臣荒昧神氣爰自幼稟分踰鼎貴秩高外州臣乏素能或所不任况在憂年必取黜辱特為開非常之恩借權製之義紊禮滅經實翦治本臣又能身祈命請一感天地躑躅表啟心容已覩猶疑大道之行墨纒不興孝治天下通喪獲遂陛下覆被仁明品物無漏豈於微臣獨不蠲鑿

焦鯁在躬輒復塵觸伏願暫輟聽覽少憐苦草則臣死之日猶生之年臨啟恍惚魂識無生不勝墮越怵息之心

蕭太尉子姪為領軍江州兗州豫州淮南黃

門謝啟

江淹

臣公言臣頻結崇寵亟延上爵休恩動俗烈榮振古鴻品清飾已藹金圖秀鼎號銘共茂瑤篆永言戚慮鑒寐啟心况乃秩洽朝門慶沾國珮弱息臣諱疑映冕等文不昭典武不定功出內帷聞升降

貂綬或振迹領候職贊禁錡或騰光江甸任鈞屏  
翼河充衝要既濫北門之管淮豫險捍又謬西偏  
之寄兄子臣鸞忝守近畿嫡孫臣某載華省闈皆  
倏忽晷景頻煩升荷雖咸罄愚識恪居匪替豈足  
以少塞神渥裁酬皇眷曷贖一盈慙厲彌積談天  
之辨不能為臣陳辭雕龍之文無以為臣飾愧靜  
然肅念徘徊交集不任憂感沐浴之情

奏記吏部尚書牛弘

王孝籍

竊以毒螫瘠膚則申旦不寐饑寒切體亦卒歲無  
聊何則痛苦難以安貧窮易為感况懷抱之內水  
火鑠脂膏腠理之間風霜侵骨髓安可齧舌緘唇  
吞声飲氣惡呻吟之響忍酸辛之酷哉伏惟明尚  
書公動哀矜之色開寬裕之懷咳唾足以活枯鱗  
吹噓可用飛窮羽芬椒蘭之氣暖布帛之詞許小  
人之請聞大君之聽雖復山川不遠鬼神在茲信  
而有徵言無不履猶恐拯溺遲於援手救經緩於  
扶足待越人之舟楫求魯匠之雲梯則必懸於槁  
樹之枝沒於深淵之底矣夫以一介貧人七年直

唐虞文選 卷之十二  
省課役不免慶賞不露賣禹貢之田供釋之之費有  
弱子之累乏強兄之產叨以老母在堂光陰遲暮  
寒暑違闕關山超遠齧臂為期前途逾邈倚閭之  
望朝夕已勤謝相如之病無官可以免發梅福之  
狂非僂所能避愁疾甚乎厲鬼人生異夫金石營  
魂且散恐筮予無徵齋恨入冥則虛緣恩顧比乃  
王嵇所以致言應侯為之不樂也潛鬢毛之內居  
眉睫之間子野未會聞離朱所不見沉淪東觀留  
滯南史終無薦引求同埋殯三世不移雖由寂寞

十年不調實之知己夫不世出者聖明之君也不  
萬一者誠賢之臣也以夫不世出而逢不萬一此  
小人所以為明尚書幸也坐人物之源運銓衡之  
柄反披狐白不好緇衣此小人為明尚書不取也  
昔荆玉未剖刖卞和之足百里未用碎禽息之首  
居得言之地有能用之資增耳目之明無手足之  
感憚而弗為孰知其解夫官或不稱其能士或未  
申其屈一夫竊議語流天下勞不見圖安能無望  
儻病未及死狂還克念汗窮愁之簡屬離憂之詞

唐虞文選 卷之三十一  
記志於前修通心於來哲使千載之下哀其不遇  
追咎執事有點清塵則不肖之軀死生為累小人  
之罪方且未刊願少加憐愍留心無忽

謝滕王集序啟

庾信

某啟伏覽制垂賜集序紫微懸映如傳闕里之書  
青鳥遙飛似送層城之壁若夫甘泉宮裏玉樹一  
叢玄武闕前明珠六寸不得譬此光芒方斯照燭  
有節有度即是能平八風愈倡愈高殆欲去天三  
尺殿下雄才蓋代逸氣橫雲濟北顏淵關西孔子

譬其毫翰則風雨爭飛論其文采則魚龍百變蒲  
桃統館新開碣石之宮脩竹夾池始作睢陽之苑  
琉璃汎酒鸚鵡承杯鳳穴歌聲鸞林舞曲况復行  
雲逐雨迴雪隨風湖陽之尉既成為喜之因春陵  
之侯便是銷憂之地某本乏材用無多述作加以  
建鄴陽九劣免儒礪江陵百六幾從士隴至如殘  
編落簡並入塵埃赤軸青箱多從灰燼比年疴恙  
彌留光陰視息桑榆已逼蒲柳方衰不無秋氣之  
悲實有途窮之恨是以精采替亂頗同宋玉言辭

廣廣文選 卷之十二  
蹇吃更甚楊雄一吟一味其可知矣好事者不求  
知音者不用非有班超之志遂已棄筆未見陸機  
之文久同燒硯至於凋零之後殘缺所餘又已雜  
用補袍隨時覆醬聖慈憐愍遂垂存錄始知逾揚  
過差君子失辭比擬縱橫小人迷惑荆玉抵鵲正  
恐輕用重寶龍淵削玉豈不徒勞神慮匠石迴顧  
朽材變於彫梁孫陽一言奔蹄成於駿馬故知假  
人延譽重於連城借人羽毛榮於尺玉涓池九萬  
里無踰此澤之深華山五千仞終愧斯恩之重即

日金門細管未動春灰石壁輕雷尚藏冬蟄伏願  
聖躬與時納豫南陽寶雉幸足觀瞻鄱縣菊泉差  
能延壽伏遲至鄴可期從梁有日同杞子之盟會  
必欲瞻仰風塵共薛侯而來朝謹當逢迎冠蓋魚  
賜尺素鳳足數行書此謝辭終知不盡謹啟

謝趙王示新詩啟

庾信

某啟鄭獻至奉手教累紙并示新詩八體六文足  
驚毫翰四始六義實動性靈落落詞高飄飄意遠  
文異水而湧泉筆非秋而垂露藏之山崑可使雲



霧鬱起濟之江浦必當蛟龍統船首夏清和聖躬  
怡裕琉璃彫管鵲顧鸞迴婉轉綠沉猿驚鴈落下  
風傾首以日為年捷為舍人實有誠願碧鷄主薄  
無由遂心寂寞荆扉踈蕪蘭徑驟駕來梁未期卜  
日遣騎到鄴希垂枉道

謝趙王賚犀帶等啟

庾信

某啟奉教垂賚犀裝帶錢十貫魏君寶帶特賜劉  
楨趙王國租偏資裝楷貫藏文馬如燒安息之銀  
帶挿通犀似獵雲南之馱北郭騷之長貧是所其

愜南宮敬之載寶殊非念望花開四照唯見其榮  
鼇戴三山深知其重昔沈義將盡逢司命而還生  
士爨行埋值僊人而更活今日慈矜斯之謂矣馬  
前軀而導路或似識恩鷄未曉而開關容能報主  
謹啟

謝趙王賚米啟

庾信

某啟奉教垂賚米十石丹烏銜穗既集西周黃雀  
隨車還飛東市漬而為種不無霜雪之精取以論  
兵即有山川之勢某陋巷簞瓢風沐雨剥榆皮

唐廣文選 卷之十二  
於秋塞掘蟄鷲於寒山仰費國租遂開塵甑非丹  
竈而流珠異荆臺而炊玉東方朔之捧米既息長  
饑西門豹之墾田方慙此賚

謝趙王賚絲布啟

庾信

某啟奉教垂賚雜色絲布三十段去冬凝閉今春  
嚴勁霰似瓊田凌如鹽浦張超之壁未足鄆風袞  
安之門無人開雪覆鳥毛而不暖燃獸炭而逾寒  
遠降聖慈曲垂矜賑諭其蠶月殆罄桑車津實秉  
杵幾空織室遂令新市數錢忽疑敗綵平陵月夜

驚聞禱衣妾遇新繅自然心伏妻聞裂帛方當含  
笑莊周車軛實有涸魚信陵鞭前元非窮鳥仰蒙  
經濟伏荷深慈謹啟

謝趙王賚白羅袍袴啟

庾信

某啟垂賚白羅袍袴一具程據上表空論雉頭王  
恭入雪虛稱鶴氅未有懸機巧綜變躡竒文鳳不  
去而恒飛花雖寒而不落披千金之暫暖棄百結  
之長寒永無黃葛之嗟方見青綾之重對天山之  
積雪尚得開衿冒廣樂之長風猶當揮汗白龜報

主終自無期黃雀謝恩竟知何日

牋

薦和慮則牋

魏應璩

璩聞唐堯因群士以興治齊桓假衆能以定業是故八元進則太平之化成六賢用則九合之功立切見同郡和模字慮則質性純粹體度貞正履仁蹈義動循執禮方今海內企踵欣慕捉髮之德山林投褐思望旌弓之招寔英竒叙用之時賢達進致之秋也今夜光之璧顯價於和氏之肆千里之

足定功於伯樂之庭庶有以宣明大道光益時化又薦費禕牋曰璩聞景雲浮則應龍翔治道明則雋乂臻是故良哉之歌興於唐堯之世多士之頌起於周文之朝

與庾冰牋

王述

竊聞安西欲移鎮樂鄉不審此為筭邪將為情邪若謂為筭則彼去武昌千有餘里數萬之衆創造移徙方當興立城壁公私勞擾若信要害之地所宜進據猶當計移徙之煩權二者輕重况此非今

日邪方今疆胡陸梁當畜力養銳而無故遷動自  
筭又江州當泝流數千供繼軍府力役增倍疲路  
且武昌實江東鎮戍之中非但扞禦上流而已急  
緩赴告駿奔不難若移樂鄉遠在西陲一朝江渚  
有虞不相接救方嶽取重將故當居要害之地為  
內外形勢使闕關之心不知所向若是情邪則天  
道玄遠鬼情難言妖祥吉凶誰知其故是以達人  
君子直道而行不以情失昔秦忌忘胡之讖卒為  
劉項之資周惡糜孤之謠而成褒姒之亂此既然

矣歷觀古今鑒其遺事妖異速禍敗者蓋不少矣  
禳避之道苟非所審且當擇人事之勝理思社稷  
之長計斯則天下幸甚令名可保矣若安西盛意  
已耳不能安於武昌但得近移夏口則其次也樂  
鄉之舉咸謂不可願將軍體國為家固審此舉

薦劉劭牋

夏侯惠

時詔書博求衆賢散騎侍郎夏侯惠薦劭曰伏見  
常侍劉劭深忠篤思體周於數凡所錯綜源流弘  
遠是以群才大小咸取所同而斟酌焉故性實之

唐虞文選 卷之三  
士服其平和良正清靜之人慕其玄虛退讓文學之士嘉其推步詳密法理之士明其分數精比意思之士知其沉深篤固文章之士愛其著論屬辭制度之士貴其化畧較要策謀之士贊其明思通微凡此諸論皆取適已所長而舉其支流者也臣數聽其清談覽其篤論漸漬歷年服膺彌久實為朝廷奇其器量以為若此人者宜輔翼機事納謀幃幄當與國道俱隆非立俗所常有也惟陛下垂優游之聽使劭承清閒之歡得自盡於前則德音

上通輝耀日新矣

薦戴若思牋

陸機

蓋聞繁弱登御然後高墉之功顯孤竹在肆然後降神之曲成是以高世之主必假遠邇之器蘊匱之才思託大音之和伏見處士廣陵戴若思年三十清冲履道德量允塞思理足以研幽才鑒足以辯物安窮樂志無風塵之慕砥節立行有井渫之潔誠東南之遺寶宰朝之奇璞也若得託迹康衢則能結軌騶駼曜質廟廟必能垂光璵璠矣惟明

唐虞文選 卷之十二  
公垂神採察不使忠允之言以人而廢

上元帝牋

應 詹

自遭喪亂人士易操至乃任運固窮耿介守節者  
尠矣伏見議郎韋泓年三十八字元量執心清冲  
才識備濟躬耕隴畝不煩人役靜默居常不豫政  
事昔年流移來在詹境經寇喪資一身特立短褐  
不掩形菜蔬不充朝而抗志彌厲不遊非類顏回  
稱不改其樂泓有其分明公輔亮皇室恢維宇宙  
四門開闢英彥鳧藻收春華於京輦採秋實於巖  
藪而泓抱璞荆山未剖和璧若蒙銓召付以列曹  
必能協隆鼎味緝熙庶績者也

自陳牋

卞 壺

壺天性狷狹不能和俗退以情事欲畢志家門亡  
父往為中書令時壺蒙大例望門見辟信其所執  
得不祗就門戶遇禍迸竄易名得存視息私志有  
素加嬰極難流寄蘭陵為苟晞所召恐見逼迫依  
下邳裴盾又見假授思暫之郡規得托身尋蒙見  
召為從事中郎豈曰貪榮直欲自致規暫恭命行

當乞退屬華軼之難不敢自陳軼既梟懸壺亦嬰  
病具自歸聞未蒙恕遣世子北征選寵顯望復以  
無施忝充元佐榮則榮矣實非素懷願以命重人  
輕不敢辭憚聞西臺召壺為尚書即實欲因此以  
避賢路未及陳誠奄丁窮罰壺年九歲為先母弟  
表所見孤背十二蒙亡母張所見覆育壺以陋賤  
不能榮親家產屢空養道多闕存無歡娛終不備  
禮拊心求恨五內抽割於公無效如彼私情艱苦  
如此實無情顏昧冒榮進若廢壺一人江北便有

傾危之慮壺居事之日功績以隆者誠不得私其  
身今東中即岐疑自然神明日茂軍司馬諸叅佐  
並以明德宣力王事壺之去留曾無損益賀循謝  
端頤景丁琛傳晞等皆荷恩命高枕家門壺委質  
二府漸冉五載考效則不能已彰論心則頻累恭  
順柰何哀孤之日不見愍恕哉

與撫軍牋

桓温

此胡肆逆四十餘載傾覆社稷毀辱陵廟遇其可  
亡之會實是君子竭誠小人盡力之日也江東雖

廣府文選 卷之十二  
為未豐方之古人復為未儉少康以一旅之衆興  
復祖宗光武奮發中興漢室况以大晉之祚樹德  
長久兼百越沃野之資據江漢山海之利鹽鐵寶  
帛之饒角竿羽毛之用收英賢之畧盡兵民之力  
賦之強也猶復遵養時晦及其斃也不齊力掃滅  
則大賊何由而自平大耻馬得而自雪臨紙惆悵  
慨歎盈懷

上世祖牋

蕭思話

下官近在歷下始奉國諱所承使人不知闊狹既

還在路漸有所聞猶謂人倫無容有此私懷感慨  
未敢在言奉被今教果出慮表重增哀惋不能自  
勝此實天地所不覆載人神所不容忍率土民氓  
莫不憤咽况下官蒙荷榮渥義兼常志此月五日  
被驛使追命騎還朝切齒拊心輒已鍾疾雖百口  
在都一非所顧正欲遣啟受規畧會奉今旨悲懼  
兼情伏承司徒英圖電發殿下神武霜斷臧質忠  
義竝到不謀同時伏順沿流廣捲江甸前驅風邁  
已應在近下官復練始集遣輔國將軍申坦龍驤



將軍梁坦二軍分配精甲五千申坦為統便以即日水陸齊下下官悉率文武駱驛繼發憑威策懦勢同振朽開泰有期悲欣交集

辭記室牋


孔 覲

記室之局實為華要自非文行秀敏莫或居之覲遜業之舉無聞於鄉部惰遊之貶有編於疲農直山淵藏引用不邀棄故得抃風舞潤憑附彌年今日之命非所敢冒昔之學優藝富猶尚斯難况覲能薄質魯亦何容易覲聞君方辨物君人所以官才陳力就列自下所以奉上覲雖不敏常服斯言今寵藉惟舊舉非尚德恐無以提衡一隅僉允視聽者也伏願天明照其心請乞改令局授以閑曹則鳧鶴從方所憂去矣

廣廣文選

片卷之十二

三十一



廣廣文選卷之十二

廣廣文選卷之十二



